

# 2

## E I AI SE FUAFUAGA A LE TAMA FAALELAGI MO A’U

### FOLASAGA MO LE FAIAOGA

Ina ia e saunia faaleagaga e aoao atu lenei lesone, faamolemole ia faitau ma mafaufau loloto i mea nei:

Sa tatou nonofo faatasi o ni agaga ma le Tama Faalelagi ae tatou te le i fananau mai. Sa saunia e le Tama Faalelagi se fuafuaga e mafai ai ona tatou o mai i le lalolagi ma maua ni tino faaletino ina ia mafai ai ona tatou pei o Ia ma toe foi atu i Lona afioaga. Ua mafai lea e ala i le Togiola a Iesu Keriso ma lo tatou ususitai. Na filifilia Iesu Keriso e avea ma o tatou Faaola. (Tagai Aperaamo 3:24–27; Mataupu Faavae o le Faatuatua 1:3.)

### SAUNIUNIGA

Faailoga le itulau 98 i le tusi lesone lenei e faafaigofie ai ona e susue i ai.

### GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

*Tatalo* Valaaulia se tamaitiiti e faia le tatalo amata.

*Lagi Faapese se Tala* Faaaoga le “O A’u o se Atalii o le Atua” (*Tusipese a Tamaiti*, 2–3) e aoao ai i tamaiti nisi o faamatalaga autu e faatatau i le ata o le faaolagaga. O le faataitaiga lenei o se fautuaga:

Ta’u i tamaiti na tatou nonofo uma lava ma le Tama Faalelagi ae tatou te le i fananau mai.

Usu pe fai atu (valaaulia tamaiti tou te faia faatasi):

O A’u o se Atalii o le Atua,  
Ua Ia auina mai a’u nei.

Ta’u i tamaiti e i ai le fuafuaga a le Tama Faalelagi mo i tatou. Na ta’u mai e Ia o le a tatou o mai e nonofo i le lalolagi. Sa tatou matua fiafia ma tatou alalaga olioli ai. Valaaulia tamaiti e fai mai, “Hurei!”

Faaali atu le ata o se aiga i le itulau 14. Ta’u i tamaiti na tatou o mai i le lalolagi tatou te nonofo ai ma ni aiga e alolofa ia i tatou. Valaaulia tamaiti e kolosi o latou lima ma fusi i latou lava.

Usu pe fai atu:

Ia ou nofo ai i lenei lalolagi  
Ma matua agalelei.

Ta’u i tamaiti a o tatou nonofo i luga o le fogaeleele, e finagalo le Tama Faalelagi ina ia tatou fiafia ma mulimuli i Ana poloaiga.

Usu pe fai atu:

Tago mai, savali mai i o’u tafatafa,  
Ina ne’i o’u sese.

Faaali atu le ata o Iesu Keriso i le itulau 98. Ta’u i tamaiti na filifilia e le Tama Faalelagi Iesu Keriso e fesoasoani ia i tatou e toe foi atu ia te Ia. Faamalamalama atu ona o Iesu, ua mafai ai ona tatou nonofo faatasi ma le Tama Faalelagi ma o tatou aiga e faavavau pe afai tatou te tausia poloaiga.



### MOTUGAAFA FAAFAIAOGA

*Sauniuniga:* Saunia ata, ata tusi, ma isi mea e faaoga a o le i amataina le vasega. O le a mafai ai ona taulai atu lou mafaufau i tamaiti.

*Gaoioiga e Aoa Ai:* Ina ia galulue ai tamaiti ma fesoasoani ia i latou e taulai atu i le lesone, faapotopoto faalatalata atu i latou ia te oe. Afai e mafai, tootuli pe nofo ina ia mafai ona e vaai sa’o i o latou mata. Tuu faalatalata atu ata ia i latou.

Usu pe fai atu:

Aoao mai mea e ao ona fai  
Ia ou toe foi atu ai.

Usu le pese atoa, ma faaali atu le ata a o outou pepese:

O A'u o se Atalii o le Atua,  
Ua Ia auina mai a'u nei  
Ia ou nofo ai i lenei lalolagi (*faaali atu le ata o le aiga i le itulau 14*)  
Ma matua agalelei

Tago mai, savali mai i o'u tafatafa,  
Ina ne'i o'u sese.

Aoao mai mea e ao ona fai (*faaali atu le ata o Iesu i le itulau 98*)  
Ia ou toe foi atu ai.

*Faaiuga* Faasoa atu lau molimau e uiga i le fuafuaga a le Tama Faalelagi mo i tatou.

*Tatalo* Valaaulia se tamaitiiti e faia le tatalo faaiu.


## GAOIOIGA E FILIFILI AI

*SAUNIUNIGA* *Mo le taaloga i le taga:* Kopi ma oti ata tusi o i le itulau 15. Aumai se mea e nanā ai ata tusi i totonu, e pei o se tamai taga po o se fasi ie.

*Mo le gaoioiga valivali:* Kopi le itulau 15 mo tamaiti taitoatasi. Oti ese le ata tusi ma le fuaiupu. Aumai se manoa po o se vulu ma se mea faapipii e fai ai ata faatautau mo tamaiti.

*Taaloga i le Taga* Tuu ata tusi i le taga. Fai i se tamaitiiti e filifili se ata mai le taga. Faitau pe usu le fuaiupu o i lalo o le ata ma mulimuli mai ai tamaiti pe usu faatasi e outou upu. Fai ma toe fai seia maea uma i latou na mananao e auai i le gaoioiga.

*Valivali* Ia valivali e tamaiti se kopi o le ata tusi o i le itulau 15 ma latou aveina i le fale e faaali i o latou matua mea na latou aoaoina i le vasega. A lava le taimi, faaoga manoa po o vulu ma le mea faapipii e faia ai ni ata faatautau mo tamaiti e pei ona faaalia i le ata o loo i le taumatau.



## MOTUGAAFA FAAFAIAOGA


*Punaoa:* Faaoga tau lava o punaoa ua saunia e le Ekalesia i le vasega pepe (tagai O Le Aoao Atu, E Lei Se Isi Valaauga e Sili Ai, 112). Afai e te manao-mia nisi mea e faia e tamaiti, filifili isi tala, taaloga, papeti, po o gaoioiga valivali mai lenei tusi lesona pe mai mekasini a le Ekalesia. E mafai ona e faa-aogaina soo nei gaoioiga e pei ona e finagalo ai, ma e mafai ona e aoao atu se lesona lava e tasi i vaiaso sosoo e lua pe tolu.

*Gaoioiga e filifili ai* ua saunia mo oe e faapoopo i lau lesona pe a manao ai. Afai e le maua mea e fia faaoga, e mafai ona sui i mea e tai tutusa lava.


*Valivali:* A o valivali ata tamaiti, toe faamanatu mataupu faavae na aoaoina i le lesona. Tau atu faamatalaga o loo i ata ma faamalamalama i tamaiti mea o loo latou valivaliina. Faitau atu ia i latou upu o loo i luga o le ata tusi.




# E i Ai se Fuafuaga a le Tama Faalelagi mo A'u



Aoao mai mea e  
ao ona fai, Ia ou  
toe foi atu ai.



Ia ou nofo ai i  
lenei lalolagi, ma  
matua agalelei



O A'u o se Atalii  
o le Atua, ua Ia  
auina mai a'u nei